



SAKSPAPIR

Saksnr	Utval	Type	Dato
60/2015	Formannskap/plan- og økonomiutvalet	PS	08.06.2015

Sakshandsamar	Arkiv	ArkivsakID
Tore Henrik Øye	FE - 242, FA - K00	15/93

TILDELING AV FONDSMIDLAR TIL FISKEFREMJANDE TILTAK I EKSINGEDALSVASSDRAGET I REGI AV EKSO VILLFISK AS

Vedlegg:

Søknad om tilskot oppgradering av utstyr, Camping og rasteplasser i Ekso Villfisk AS
Notat om fondsøkonomi og tildeling i 2015

Rådmannen sitt framlegg til vedtak:

Formannskapet/plan- og økonomiutvalet i Vaksdal kommune løyver inntil kr 31 770,-, og maksimalt 50 % av totale kostnader i tilskot til Ekso Villfisk til bestemte, fiskefremjande tiltak i Eksingedalsvassdraget. Type tiltak går fram av saksframstillinga. Øvre grense for godkjend kostnad, er sett til kr 63 540,-.

Midlane vert løyvd frå «Vaksdal kommune sitt fond for vilt, fiske og friluftsliv», der formannskapet er fondsstyre. Tildelinga er heimla i §§ 2 og 5 i fondsvedtektene.

Tilskotet vert utbetalt etterskotsvis, når sluttrapport med naudsynt dokumentasjon ligg føre (faktura, bilete og liknande).

Arbeidsfristen for tiltaket er sett til mars 2018. Etter dette vert tilskotet trekt tilbake, dersom det ikkje blir søkt om utsett arbeidsfrist i inntil eitt år. Vaksdal kommune kan synfare tiltaka.

VILKÅR: Fiske i Eksingedalsvassdraget (ovafor anadrom del) skal vere tilgjengeleg for ålmenta.

Formannskap/plan- og økonomiutvalet - Sak 60/2015

FPØ - Behandling:

Samrøystes vedtak.

FPØ - Tilråding/Vedtak:

Formannskapet/plan- og økonomiutvalet i Vaksdal kommune løyver inntil kr 31 770,-, og maksimalt

50 % av totale kostnader i tilskot til Ekso Villfisk til bestemte, fiskefremjande tiltak i Eksingedalsvassdraget. Type tiltak går fram av saksframstillinga. Øvre grense for godkjend kostnad, er sett til kr 63 540,-.

Midlane vert løyvd frå «Vaksdal kommune sitt fond for vilt, fiske og friluftsliv», der formannskapet er fondsstyre. Tildelinga er heimla i §§ 2 og 5 i fondsvedtektene.

Tilskotet vert utbetalt etterskotsvis, når sluttrapport med naudsynt dokumentasjon ligg føre (faktura, bilete og liknande).

Arbeidsfristen for tiltaket er sett til mars 2018. Etter dette vert tilskotet trekt tilbake, dersom det ikkje blir søkt om utsett arbeidsfrist i inntil eitt år. Vaksdal kommune kan synfare tiltaka.

VILKÅR: Fiske i Eksingedalsvassdraget (ovafor anadrom del) skal vere tilgjengeleg for ålmenta.

Saksopplysningar:

Bakgrunn

Ekso Villfisk, ved Bjarne Lavik og Rune Nesheim, søker om kr 68 340,- til følgjande fiskefremjande tiltak i innlandsfiskdelen av Eksingedalsvassdraget (alle beløpa er ink. mva, utan båtane):

Innkjøp av 2 stk. nye båtar (a kr 12 600,-)	kr 25 200,-
Frakt av båtar frå kjøpsstad til Eksingdalen	kr 4 800,-
4 par årer (a kr 750,-)	kr 3 000,-
2 stk. nye bord til rasteplass (a kr 4600,-/stk)	kr 9 200,-
2 stk. nye batteri til elektrisk fiskeapparat (a kr 1750,-)	kr 3 500,-
2 stk. nye batteri til elektriske båtmotorar (a kr 1400,-)	kr 2 800,-
7 stk. nye 14 mm. garn (a kr 520,-)	kr 3 640,-
1 stk. batteriladar for elektrisk fiskeapparat	kr 2 100,-
<u>3 lass med grus til parkeringsplass v/ campen på Lavik</u>	<u>kr 14 000,-</u>
SUM	kr 68 340,-

Ekso Villfisk har etter avtale med grunneigarane drive systematisk fiskekultivering i «kultiveringssona», frå Flatekvål til Lavik, sidan år 2000. Føremålet med arbeidet er å fremje kvaliteten på innlandsfisken og interessa for å fiske i vassdraget. Mykje av innsatsen består av utfisking, og sidan oppstarten er det teke ut i overkant av 160 000 brunaure, fordelt på garnfiske og elektrofiske.

I tillegg har føretaket føra opp om lag 1 500 stadeigen brunaure for re-utsetting i elva frå kultiveringsanlegget i Sødalen. Det er òg tilrettelagt for fiske gjennom informasjonstavler, skilt, benker og bord, utlån av båtar og fiskecamping på Lavik.

Arbeidsinnsatsen til Ekso villfisk ligg kring 1200 timar i året, fordelt på 6 til 7 personar. Storparten av arbeidet har til no har vore gjort på dugnad.

Fiskekortsalet har teke seg kraftig opp etter at det fiskefremjande arbeidet vart sett i gong. No vert det seld om lag 200 dagskort og om lag 30 årskort kvart år, tilsvarande minst 400 fiskedøgn, med ei årleg omsetjing rundt kr 70 000-. Fisket gjev positive ringverknadar for dalføret, og den kultiverte

elvestrekninga har i dag det beste brunaurefisket på Vestlandet, i følgje søkjarane.

Av søknaden framgår det at kultiveringsarbeidet no skal utvidast til også å omhandle Vetlejord, Trefall, Brakstad og Bergo, og etter kvart Høvik og Fosse. Samstundes som ein ønskjer å halde fram med arbeidet i «Kultiveringssona».

I samband med planlagt oppgradering og utviding av virkeområdet, søker Ekso Villfisk om fondsmidlar til ovanfor nemnde tiltak og investeringar.

Vurdering

Ekso Villfisk gjer ein formidabel innsats for å utvikle eit attraktivt fiske i Eksingedalsvassdraget for ålmenta, med god tilrettelegging for fiskarane.

Fiskefremjande tiltak er eitt av føremåla til «Vaksdal kommune sitt fond for vilt, fiske og friluftsliv», jfr. §§ 2 og 5 i fondsvedtektene. I dette høve ligg søknaden innanfor fondsføremålet, sidan målsetjinga er å vidareutvikle fisken og fisket gjennom kultiveringsarbeid og tilretteleggingstiltak.

Av dei omsøkte tiltaka, meiner rådmannen at kostnaden med frakt av båtar fell utanfor føremålet med tilskotsordninga. Ut over dette vert alle tiltaka godkjend, sidan desse er direkte knytt til kultiverings- og tilretteleggingsarbeidet i elva. Godkjend total kostnad vert såleis kr 63 540,-.

Fondsvedtektene seier ikkje noko spesifikt om tilskotssatsar frå fondet, og finansieringsgraden kan variere frå tiltak til tiltak. I denne konkrete saka, vert 50 % finansiering vurdert som høveleg. Dette gjev kr 31 770, i maksimalt tilskot. Beløpet ligg innanfor ramma av tilgjengelege fondsmidlar (sjå vedlagt notat).

I samband med finansieringa av dei omsøkte tiltaka, vil det vere naturleg at fiskerettshavarane til vassdraget deltek med tilskotsmidlar, sidan desse har inntekter frå fisket.

Konklusjon

Omsøkt tiltak samsvarer med føremålet til «Vaksdal kommune sitt fond for vilt, fiske og friluftsliv», og tiltaket vert vurdert til å ha stor lokal og ålmenn nytte. Rådmannen tilrår difor å støtte søknaden frå Ekso Villfisk med fondsmidlar.